

docriver 文川网
入驻商家
在文川网搜索古籍书城 获取更... 电子书

中國方志叢書·華北地方·第二〇九號


據

清·吳大鏞等纂修
清·同治十一年刊本

影印

河北省

元城縣志



成文出版社印行

SK54/02



中國方志叢書·華北地方·第一〇九號


據

清·吳大鏞等纂修
清·同治十一年刊本

影印

河北省

元城縣志



成文出版社印行



10096855

中華民國五十八年 月壹一版

元城縣志

全二冊



發行人：**黃 成 助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

元城縣志

元城縣志總目

卷之首

序

舊序

附徵啟告示

告示

凡例

銜名

圖式

卷之一

輿地志

沿革

年紀

星野
附圖

形勝

故蹟

疆域
附里甲

風俗

卷之二

建置志

城池

署廨
附倉儲

學校
附書院義學

坊表

寺觀
附義塚橋梁

卷之三

田賦志

田賦
附戶役

秩祀

兵防

附驛遞

方物

鹽政

馬政

卷之四

宦業志

名宦

職官

知縣
教諭

縣丞
訓導

主簿

典史

卷之五

人物志

名臣

忠義 義勇義民附

懿行

文苑 方技附

帝后

節孝 孝女附

貞烈

人物外志

選舉

甲科 徵辟

欽賜

副榜

貢

監

武科

武勲

贈封

恩廕

卷之六

藝文志

藝文

疏說

碑記 雜文

祭文 賦

誌銘 詩

傳 志餘

續修元城縣志序

事固難於創始跡每久而就湮
一筭之覆經始之道也而為山
基之拾級而登追蹤之道也而
啟後因之前人創業之功成於
一日延諸百年固在繼之者况

邑乘與國史相附麗尤不可忽
修明之責屬在有司然非才學
識兼優不能勝其任元城之有
志自莆田陳君蘭涯創之遂克
遺於今日君以著作宏才傳不
朽盛業不可謂非一時遭際之

隆矣顧茫茫墜緒而欲求既往
之跡於惘恍無憑之後豈不汲
汲乎難其任哉迄今披前志而
讀之補苴掇拾存信去疑具見
陳君當日之苦心固知創志之
難於修志也明甚壬申春 鏞 奉

署元城適逢

大府 奏修畿輔通志飭各邑
普修以備採擇奉令之下惶然
歉然殷然交并於中而責無旁
貸不獲以不敏辭溯自康熙迄
今垂二百年其間人事之變遷

物類之消長多泯沒而莫可稽
則遠紹旁搜張皇幽渺詎可苟
且將事以貽此邑羞余愧無文
忝承宰篆抗塵走俗之餘亟々
於案牘猶恐不逮惡得如陳君
躬自紀理銖積寸累由一簣以

抵於成山則今日之繼前人不
有難於前人者在耶雖然廣廈
猶賴夫衆材而鉅典豈容以獨
任合邑之仕紳謀焉與李王兩
廣文廩生郭步庭輩立分總之
局廣徵引之途相率勤求不遺


docsriver 文川网
入驻商家 古籍书城

在文川网搜索古籍书城 获取更多电子书

心繼而修之如茂質滋華月新
歲盛不特追踪前哲而文成美
備不較優於今日之為哉亦猶
拾級而登更上一層必改觀千
里矣誌此以為之序 皆

同治十一年歲在壬申良月穀旦

會稽吳大鏞小竹氏叙



舊序

今郡邑古列國也古史列國咸具則今之志卽古之史也夏志九州周敘職方漢述地里晉經畿服其所由來尙矣元城古沙麓地爲天雄附郭往母論已歷漢唐宋明以來篡奪擅興藩鎮稱強鎖鑰資乎使相徙築肇自指揮事變相乘紛而難紀夫數十年之內耳目所不接者廢而不輯則散佚莫稽矧元城自開闢以來邑志未修將採風問俗者無所考於斯地非闕典歟邑侯陳公以文章吏治之才筮仕吾邑其清

白凜操不啻古懸魚酌水風而經綸幹濟一日之措
施皆足貽千百年之龜鑑故其治賦稅而羨餘革隆
學校而廉隅飭清鹽筴而侵越無害勤河防而泛溢
無虞除守兵之僉派禁審編之陋規伸獄訟之冤抑
斯固措紳士庶所頌述不置者詎余一人之私言哉
下車未幾慨然于鉅典弗光銳意纂修案牘之餘旁
摭博咨其難其慎自往古以及近代天文以及山川
仕宦以及隱逸錢穀以及徭役下逮兵防馬政秩祀
方物靡纖悉弗周精確爾雅彬彬乎稱良史矣書成

屬序于余其言曰邑向缺乘余不敢妄擬臆斷大抵
紀載叙述一本郡志以爲宗得毋荒畧無取乎余起
而言曰公何言之謙而功之不任也昔孔子得史記
以作春秋及其立言剗意褒貶賞誅不復因史記者
渺思出于胸中也今公載筆專司一無旁委會源流
稽異同酌豐約剖疑似雄詞瓌辯成一家言固已垂
作範之規而立不刊之典且魯魚亥豕之間句磨字
刮以不滋疑貳非公之才曷克臻此公何言之謙而
功之不任也方今

聖天子俞輔臣議徵郡國志修大一統志而公以前此所未有者達于

廟廊亦太史陳詩以觀民風之義而余以里門懸車之夫附青雲而千里也竊厚幸焉敢因陳公之請畧陳其概使後之君子蒞茲土者有所景慕而興起斯元邑千百年之慶也是爲序大清康熙十五年春王正月都察院左副都御史邑人錢縱撰

自禹貢列九州山川及其貢賦志之義已具迨周禮職方氏掌天下圖籍小史外史始及乎財用男女畜

牧數傳至龍門扶風世守厥職又歷遊名山大川以
網羅放佚遠或百年近或數十年其書始成噫志難
言也近奉

綸音修一統全志郡邑競上其書以備採擇元城爲
天雄附郭名勝人物總裁郡乘向無傳志誠缺典也
元城令陳子有志纂修博採廣咨探蹟索隱歲餘始
成首以畀余曰始基之矣得毋小觀乎余曰非也古
今著述莫始于易易經三聖人演定方成徑寸之書
老子過函谷關關令尹強以著書方成道德五千言

蓋其慎也吾子生鈞龍浴鳳之區與四先生十子頡
頡今古何難立地等身顧志猶列史以信傳後不得
不鄭重以將况元城當播遷之餘沙麓崩于周室篡
逆橫于漢代河北之鎖鑰匪今強藩之節度自昔陵
谷遞遷時勢變易一邑而具有全郡之勢至於水旱
不時祥災互著賢愚有關地靈臧否獻諸王家事在
一時名垂千古非可以苟且卒業詡詡于人曰非我
莫能爲也且余與子同城共事分有屬而情實聯兵
而余肅也餉而余核也吏而余廉也猾而余糾也子

不以爲奇也余之心子之心也獄子平也財子理也
傳舍子清也里甲子嚴也民子惠也余不以爲徇也
子之心合余之心也心一則事治志合則績彰因之
編入志乘與一邑共見之一郡共知之天下共聞之
而可無愧也無愧則可傳可傳則可久雖曰始基之
實臻厥成矣子之慎之也有以夫康熙十五年春正
月整飭大名道河南按察使司副使加一級前吏部
郎中陳世安撰

夫古今跡也興衰文也述跡以存觀感徵文以備憲

章得失之林鑒戒係焉故魯有春秋季札觀之曰周禮盡在魯矣志顧不重哉余備員曹郎一麾出守筮得大名蒞事之始謁元城先生祠湫隘不堪移祀書院仍其舊也元城令陳君蘭涯進請曰邑之有志所以編年紀事爲圖治龜鑑也矧此地濟濟多賢後先接踵而忠定公尤其矯矯者乎向邑乘未輯因乏表章爲之奈何余勉之再三適奉

功令徵修全志陳君乃採諸郡志詢及遺獻會源委察異同別疑似躬臨鉛槧以年以月惕然告余曰邱

docsriver 文川网
入驻商家 古籍书城

在文川网搜索古籍书城 获取更多电子书

明傳春秋取法尼山孟堅成漢書撫文司馬某以郡志爲準博收以左右之茲幸告竣其長桑之洩渤匠石之頭屑乎余取而讀之蓋事該鴻纖理通今古綜核條貫雖僅一邑而具有天下之規故其于河防則勤湮築于守兵則除里害于馬政則請汰冗于鹽筴則嚴侵越于古渡于集場則杜爭端于正供于徭役于編審則禁雜派革陋規一一與吾民更正從百里望之皆其可詠而可歌者也載之於乘又何慙焉語有之曰前事之不忘後事之師也陳君其自師以師

後人也乎余不敏忝長一日未能追蹤往哲輝映今昔每坐魏公之堂入東哲之館不勝懷古嘆文章吏治難得兼才讀斯志始歎流風之未遠也因取元城先生盡言集函致陳君曰斯言行一致者也吾拭目俟君矣康熙十五年春正直隸大名府知府顧耿臣撰

陽平古名勝地介齊魯晉趙間控扼中原襟喉南北山川滙結不乏倣儻瑰琦忠孝廉節之儔官斯土者如狄梁公仁傑寇萊公準韓魏公琦文潞公彥博歐